

# ԴՐԱՄԱՇՆՈՐՀԻ ՏՐԱՄԱԴՐՄԱՆ ՊԱՅՄԱՆԱԳԻՐ N 43

30 հունվարի 2019 թվական, քաղաք Երևան

Հայաստանի Հանրապետության մշակույթի նախարարությունը /այսուհետ՝ Պատվիրատու/ ի դեմս նախարարության կանոնադրության հիման վրա գործող գլխավոր քարտուղար Ս. Մուրադյանի, մի կողմից, և «Ա. Սպենդիարյանի անվան օպերայի և բալետի ազգային ակադեմիական թատրոն» պետական ոչ առևտրային կազմակերպությունը /այսուհետ՝ Կատարող/ ի դեմս կազմակերպության կանոնադրության հիման վրա գործող տնօրեն Կ. Օրբեյանի, մյուս կողմից, կնքեցին սույն պայմանագիրը (այսուհետ նաև՝ Պայմանագիր) հետևյալի մասին.

## 1. ՊԱՅՄԱՆԱԳՐԻ ԱՌԱՐԿԱՆ

1.1. Պատվիրատուն հանձնարարում է, իսկ Կատարողը պարտավորվում է Պայմանագրով սահմանված վճարի դիմաց Պայմանագրով սահմանված կարգով ու ժամկետում իրականացնել Պայմանագրի 2.3-րդ կետով և իր կանոնադրությամբ նախատեսված թատերական ներկայացումների բեմադրությունների իրականացում, հանդիսատեսի սպասարկում և այլ գործառույթներ (այսուհետ՝ աշխատանք)՝ համաձայն սույն պայմանագրի անբաժանելի մաս կազմող՝

- 1.1.1. կանխարժեքային ֆինանսական և ոչ ֆինանսական ցուցանիշների՝ հավելված N 1,
- 1.1.2. ֆինանսական պարտավորությունների կատարման ժամանակացույցի՝ հավելված N 2,
- 1.1.3. 2019 թվականին նախարարական հրահանգների ցանկի՝ հավելված N 3:
- 1.1.4. ոչ ֆինանսական ցուցանիշների կատարման վերաբերյալ հաշվետվության՝ հավելված N 4:

1.2. Սույն պայմանագրով նախատեսված պարտավորությունների կատարման դիմաց վճարումը կատարվում է դրամաշնորհի հատկացման ձևով՝ «Հայաստանի Հանրապետության 2019 թվականի պետական բյուջեի մասին» Հայաստանի Հանրապետության օրենքի N 1 հավելվածի N 02 աղյուսակի «1168. Արվեստների ծրագրի» «11001. Օպերային և բալետային արվեստի ներկայացումներ» միջոցառման համար նախատեսված բյուջետային հատկացումների սահմաններում:

## 2. ԿՈՂՄԵՐԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

### 2. 1. Պատվիրատուն պարտավոր է՝

- 2.1.1. Պայմանագրի պահանջներին համապատասխան՝ Կատարողից ընդունել պատշաճ ձևով ու կարգով կատարված աշխատանքները և հաշվետվությունները.
- 2.1.2. Իր և Կատարողի կանոնադրություններով սահմանված իրավասությունների շրջանակներում Կատարողին ցուցաբերել մեթոդական և կազմակերպական օգնություն:

### 2. 2. Պատվիրատուն իրավունք ունի՝

- 2.2.1. Ցանկացած ժամանակ (պարբերաբար), առանց որևէ սահմանափակումների ստուգել Կատարողի կողմից սույն պայմանագրի կատարման ընթացքը և որակը՝ առանց միջամտելու վերջինիս կանոնադրական գործունեությանը (բացառությամբ օրենքով և Կատարողի կանոնադրությամբ սահմանված դեպքերի).

- 2.2.2. Կատարողից պարբերաբար պահանջել ու ստանալ տեղեկույթ սույն պայմանագրի կատարման ընթացքի մասին.
- 2.2.3. Իր իրավասությունների սահմաններում կասեցնել Կատարողի կողմից ոչ պատշաճ ձևով կամ կարգով կատարվող աշխատանքները.
- 2.2.4. Կատարողից պահանջել առանց լրացուցիչ վճարի վերստին կատարել ոչ պատշաճ ձևով կամ կարգով կատարված աշխատանքները.
- 2.2.5. Վերահսկել սույն պայմանագրով Կատարողին հատկացված դրամական միջոցների նպատակային օգտագործումը:
- 2.2.6 Պայմանագրի 2.3-րդ կետով նախատեսված պարտավորությունները վերանայել (փոփոխություն կատարել)' նախորդ տարվա հաշվետվությունների արդյունքների հիման վրա:

### **2.3. Կատարողը պարտավոր է՝**

- 2.3.1. Ժամանակին, պատշաճ ձևով ու կարգով կատարել սույն պայմանագրի 1.1-ին կետով նախատեսված աշխատանքները, այդ թվում՝ հանրությանը ներկայացնել դասական և ժամանակակից կոմպոզիտորների օպերային և բալետային նոր բեմադրություններ, կատարել դրանց հաշվառումը՝ Հայաստանի Հանրապետության օրենսդրության և իրավական այլ ակտերի համաձայն.
- 2.3.2. Առաջնահերթության կարգով ապահովել տաղանդավոր և շնորհալի, այդ թվում պետական մրցանակի արժանացած, միջազգային և հանրապետական մրցույթների դափնեկիրների (մեներգիչներ, բալետի արտիստներ, երաժիշտներ, բեմադրիչներ, բեմանկարիչներ) ներգրավումը ստեղծագործական ծրագրերում.
- 2.3.3. Պատվիրատուին ներկայացնել նոր կամ վերականգնված ներկայացումների վերաբերյալ Կատարողի գեղարվեստական խորհրդի արձանագրությունը: Մինչև ներկայացումների հրապարակային ցուցադրումը Պատվիրատուի հետ համաձայնեցնել գովազդային նյութերը (ազդագիր, հեռուստառադիոգովազդ և այլն), ինչպես նաև ապահովել դրա փակ ցուցադրությունը Պատվիրատուի ներկայացուցիչների համար.
- 2.3.4. Իրականացնել առնվազն 3 միջոցառում ՀՀ մարզերում և ԱՀ-ում, ինչպես նաև մեկական մշակութային միջոցառում՝ ՀՀ զինված ուժերի համակարգում և քրեակատարողական հիմնարկներում.
- 2.3.5. Պատվիրատուի առաջարկությամբ մասնակցել Պատվիրատուի կողմից իրականացվող մշակութային միջոցառումների՝ փառատոների, մրցույթների, հանդիսավոր երեկոների կազմակերպմանը.
- 2.3.6. Մինչև յուրաքանչյուր եռամսյակի վերջին ամսվա 25-ը Պատվիրատուին ներկայացնել հաջորդ եռամսյակի ճշտված խաղացանկը և այդ ժամանակահատվածում Կատարողի դահլիճի շահագործման ժամանակացույցը.
- 2.3.7. Համագործակցել պարարվեստի պետական քոլեջի և Երևանի Կոմիտասի անվան պետական կոնսերվատորիայի օպերային ստուդիայի հետ՝ ստեղծագործական ծրագրերում ներգրավելով նրանց սաներին.
- 2.3.8. Իրականացնել հրեյանական միջոցառումներ և ներկայացումներ ըստ Պատվիրատուի կողմից ներկայացված հրեյանական ցանկի (հավելված N 3)' Պատվիրատուին պարբերաբար տեղեկացնելով աշխատանքների ընթացքի մասին.

*3. Չկարգ*

- 2.3.9. Իրականացնել ներկայացումներ և համերգային ծրագրեր՝ Հովհ. Թումանյանի և Կոմիտասի 150, Երևանի պարարվեստի պետական քոլեջի հիմնադրման 95-ամյակներին նվիրված հոբելյանական միջոցառումների շրջանակներում.
- 2.3.10. Սույն պայմանագրով սահմանված պարտավորություններն իրականացնել Պատվիրատուի կողմից հաստատված մեթոդական ցուցումների, հրահանգների և այլ իրավական ակտերի (փաստաթղթերի) պահանջներին համապատասխան.
- 2.3.11. Ապահովել մարտ-ապրիլ ամիսներին ֆրանկոֆոնիային նվիրված միջոցառումներ.
- 2.3.12. Իրականացնել նոր և հիմնովին վերականգնվող բեմադրություններ՝ համաձայն հավելված N 1-ի.
- 2.3.13. Ստեղծագործական անձնակազմի 2019 թ. նախատեսված հավելավճարների ֆոնդի հաշվին սահմանել ստեղծագործական խմբերի ղեկավարների և արտիստական անձնակազմի հավելումներ՝ նրանց կատարողական արվեստի, որակական աճի և աշխատանքի ծավալին համապատասխան՝ Պատվիրատուին ներկայացնելով փաստացի վճարումների վերաբերյալ տեղեկույթ՝ եռամսյակային կտրվածքով.
- 2.3.14. Պատվիրատուին անհապաղ հայտնել սույն պայմանագրի կատարման համար առաջացած խոչընդոտների մասին և միաժամանակ ձեռնարկել իր կողմից հնարավոր բոլոր միջոցները՝ այդ խոչընդոտներն անհապաղ վերացնելու համար.
- 2.3.15. Պատվիրատուի պահանջով ներկայացնել սույն պայմանագրի կատարմանը վերաբերող բոլոր տեսակի փաստաթղթերը. (Ֆինանսական և բովանդակային հաշվետվություն): Բովանդակային հաշվետվության հետ ներկայացնել իրականացված միջոցառումների մասին համապատասխան նյութեր (լուսանկարներ, լրգոտիպ կամ այլ գրաֆիկական պատկեր կամ ազդագրեր, հրավիրատոմսեր, մամուլի հրապարակումներ և այլ տեղեկատվական նյութեր)՝ էլեկտրոնային կրիչներով.
- 2.3.16. Պատվիրատուին ներկայացնել եռամսյակային ու տարեկան հաշվետվություններ համաձայն ՀՀ ֆինանսների նախարարի 2013 թվականի փետրվարի 4-ի N 104-Ն և 2015 թվականի ապրիլի 1-ի N 176-Ն հրամանների, ինչպես նաև ՀՀ օրենսդրությամբ և իրավական այլ ակտերով նախատեսված ձևով ու կարգով:
- 2.3.17. Պատվիրատուի հետ նախապես համաձայնեցնել նրա իրավասությանը վերապահված հարցերի լուծման տարբերակները.
- 2.3.18. Սույն Պայմանագիրն ուժի մեջ մտնելուց հետո մինչև 2019 թ. փետրվարի 20-ը Պատվիրատուի հաստատմանը ներկայացնել Կատարողի ֆինանսատնտեսական գործունեության նախահաշիվը՝ համապատասխան հիմնավորումներով: Նախահաշվի յուրաքանչյուր ծախսային ուղղության մեջ կատարվող փոփոխությունը **նախապես՝ մինչև փաստացի ծախսերի կատարումը**, համաձայնեցնել Պատվիրատուի հետ: Նախահաշվում փոփոխությունների ներկայացման առաջարկի վերջնաժամկետն է 2019 թվականի դեկտեմբերի 20-ը: Աշխատանքների իրականացման արդյունքում

առաջացած տնտեսումները (խնայողությունները) ենթակա են վերադարձման ՀՀ պետական բյուջե՝ ոչ ուշ, քան մինչև 2019 թ. դեկտեմբերի 25-ը:

- 2.3.19. Պայմանագրից բխող աշխատանքները չկատարելու դեպքում վերադարձնել Պատվիրատուի կողմից տրամադրված գումարը և վճարել տուգանք սույն պայմանագրի 3.1-ին կետում նախատեսված գումարի 1.0 (մեկ) տոկոսի չափով.
- 2.3.20. Հրապարակել Պատվիրատուի անունը, իսկ համաֆինանսավորման դեպքում տրամադրել ամբողջական տեղեկատվություն՝ ծրագրին աջակցող կազմակերպության, ֆինանսավորման չափի և վերջինիս հետ ձեռք բերված այլ պայմանավորվածությունների մասին.
- 2.3.21. Սույն Պայմանագրի 1.1-ին կետով նախատեսված աշխատանքների կատարման գործընթացը կազմակերպել «Գնումների մասին» ՀՀ օրենսդրությամբ սահմանված կարգով.
- 2.3.22. Պատվիրատուի կազմակերպած կամ հովանավորած միջոցառումների անցկացման նպատակով՝ ըստ անհրաժեշտության Պատվիրատուին կամ Պատվիրատուի կողմից երաշխավորված կազմակերպությանը (կամ անձին) տրամադրել Կատարողի դահլիճը:

#### **2.4. Կատարողն իրավունք ունի՝**

- 2.4.1. Պատվիրատուից պահանջել ընդունել սույն պայմանագրի 1.1-ին կետում նշված և Կատարողի կողմից պատշաճ ձևով ու կարգով կատարված աշխատանքները.
- 2.4.2. Պատվիրատուից պահանջել վերացնել Կատարողի գործողություններից (անգործությունից) անկախ՝ Պատվիրատուի մեղքով սույն պայմանագրի կատարման համար առաջացած խոչընդոտները կամ վերանայել սույն պայմանագրի պայմանները.
- 2.4.3. Վաղաժամկետ լուծել սույն պայմանագիրը՝ սույն պայմանագրով կամ Հայաստանի Հանրապետության օրենսդրությամբ սահմանված կարգով և դեպքերում:

### **3. ՊԱՅՄԱՆԱԳՐԻ ԳԻՆԸ ԵՎ ՎՃԱՐՈՒՄՆԵՐԻ ԿԱՐԳԸ**

- 3.1. Սույն պայմանագրի 1.1-ին կետում նշված աշխատանքների ընդհանուր արժեքը սահմանված է 1438330.1 հազար (մեկ միլիարդ չորս հարյուր երեսունութ միլիոն երեք հարյուր երեսուն հազար մեկ հարյուր) դրամ՝ ներառյալ հարկերը, տուրքերը և պարտադիր այլ վճարները: Այդ գումարի չափը կարող է փոփոխվել սույն պայմանագրով կամ Հայաստանի Հանրապետության օրենսդրությամբ սահմանված դեպքերում ու կարգով:
- 3.2. Սույն պայմանագրի 3.1-ին կետում նշված գումարը Պատվիրատուն պետք է վճարի Կատարողին սույն պայմանագրի N 2 հավելվածով սահմանված ժամկետներում՝ Կատարողի՝ սույն պայմանագրում նշված գանձապետական հաշվեհամարին փոխանցումներ կատարելու եղանակով:
- 3.3. Կատարողի կողմից աշխատանքների կատարման՝ սույն պայմանագրով սահմանված ցուցանիշներն ու պայմանները խախտելու դեպքում Պատվիրատուն իրավունք ունի վերանայել սույն պայմանագրի 3.1-ին կետում նշված գումարի չափը և դրա վճարման ժամանակացույցը:
- 3.4. Համաձայն «ՀՀ 2019 թվականի պետական բյուջեի մասին» ՀՀ օրենքի 7-րդ հոդվածի 22-րդ կետի հաշվարկված ԱԱՀ-ի գծով լրացուցիչ հատկացումները չեն

*Յ. Մանուկյան*

կարող ուղղվել այլ նպատակների և չօգտագործված գումարները 2019 թվականի ընթացքում ենթակա են վերադարձման ՀՀ պետական բյուջե:

#### 4. ՊԱՅՄԱՆԱԳՐԻ ԺԱՄԿԵՏԸ

- 4.1 Սույն պայմանագիրը ուժի մեջ է մտնում կողմերի ստորագրության պահից և գործում է մինչև 2020 թվականի հունվարի 31-ը:
- 4.2 Սույն Պայմանագրի գործողությունը տարածվում է 2019 թ. հունվարի 1-ից հետո ծագած հարաբերությունների վրա:

#### 5. ԱՇԽԱՏԱՆՔՆԵՐԻ ԸՆԴՈՒՆՄԱՆ ԿԱՐԳԸ

- 5.1. Սույն պայմանագրի 1.1-ին կետում նշված և կատարված աշխատանքները Կատարողի կողմից ներկայացվում են Պատվիրատուի ընդունմանը ոչ ուշ, քան յուրաքանչյուր եռամսյակին հաջորդող ամսվա 10-ը (հավելված N 4):

#### 6. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

- 6.1. Սույն պայմանագրով նախատեսված պարտավորությունները կողմերը պարտավոր են կատարել պատշաճ և սահմանված ժամկետներում: Դրանք ոչ պատշաճ կամ ժամկետանց կատարելու, չկատարելու կամ կատարելուց խուսափելու դեպքում, ինչպես նաև իրենց գործողություններով կամ անգործությամբ սույն պայմանագրի կատարման համար խոչընդոտներ ստեղծելու, մյուս կողմին վնաս պատճառելու, կամ կանխատեսվող եկամուտներից զրկելու համար կողմերից յուրաքանչյուրը կրում է պատասխանատվություն մյուս կողմին պատճառած վնասների և բաց թողնված օգուտների լրիվ ծավալով՝ Հայաստանի Հանրապետության օրենսդրությամբ սահմանված կարգով:
- 6.2. Սույն պայմանագիրը կարող է վաղաժամկետ լուծվել կողմերից որևէ մեկի նախաձեռնությամբ՝ մյուս կողմի՝ սույն պայմանագրի պայմանները խախտելու դեպքում: Այդ ժամանակ նախաձեռնող կողմը պետք է ստանա վնասների և բաց թողնված /չստացված/ եկամուտների լրիվ չափով փոխհատուցում:
- 6.3. Սույն պայմանագիրը վաղաժամկետ դադարեցնելը կամ լուծելը կողմերից որևէ մեկի համար այն կատարել շարունակելը աննպատակահարմար լինելու դեպքում կամ այլ պատճառաբանությամբ չի թույլատրվում: Նման դեպքում մյուս կողմն իրավունք ունի կամ ստանալ սույն պայմանագրի 6.1-ին ենթակետով նախատեսված լրիվ փոխհատուցումը, կամ պահանջել սույն պայմանագրի հարկադիր կատարումը:
- 6.4. Սույն պայմանագրով սահմանված ժամկետները Կատարողի կողմից չպահպանվելու դեպքում վերջինս, եթե Պատվիրատուին չի ներկայացրել դրա վերաբերյալ հիմնավոր բացատրություն, վճարում է տույժ Պայմանագրի գնի 0.01%-ի (մեկ հարյուրերորդական) չափով՝ ուշացման յուրաքանչյուր օրացուցային օրվա համար:
65. Սույն պայմանագրով նախատեսված պարտավորությունները չկատարելու կամ ոչ պատշաճ կատարելու դեպքում Կատարողը, եթե Պատվիրատուին չի ներկայացրել դրա վերաբերյալ հիմնավոր բացատրություն, վճարում է տուգանք չկատարված աշխատանքի 0,5 %-ի (հինգ տասնորդական) չափով:

#### 7. ԱՅԼ ՊԱՅՄԱՆՆԵՐ

- 7.1. Սույն պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա

*3.3/10/14*

- եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը:
- 7.2. Սույն պայմանագրից ծագած կողմի վճարային պարտավորությունը չի կարող դադարել այլ պայմանագրից ծագած հակընդդեմ պարտավորության հաշվանցով՝ առանց կողմերի գրավոր և կնիքով հաստատված համաձայնության:
- 7.3. Սույն պայմանագրում փոփոխություններ և լրացումներ կարող են կատարվել միայն կողմերի երկկողմ գրավոր համաձայնություն կազմելու միջոցով:
- 7.4. Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերվելու դեպքում վեճերը լուծվում են դատական կարգով:
- 7.5. Սույն պայմանագիրը կնքելիս կողմերը հաստատում են, որ դրանով իրենց շահերը և օրինական իրավունքները ոչ մի կերպ չեն խախտվում, կամ սահմանափակվում:
- 7.6. Սույն պայմանագիրը կազմված է \_\_\_ էջից (ներառյալ հավելվածները), կնքվում է երեք օրինակից, որոնք ունեն հավասարազոր իրավաբանական ուժ:

**8. ՏԵՂԵԿՈՒԹՅՈՒՆՆԵՐ ԿՈՂՄԵՐԻ ՄԱՍԻՆ**

Պատվիրատու՝ Հայաստանի Հանրապետության մշակույթի նախարարություն, հասցեն՝ 0010, Երևան, Վազգեն Սարգսյան 3, Կառավարական տուն 2, հաշիվ N 900011031102 Հայաստանի Հանրապետության ֆինանսների նախարարության գործառնական վարչություն, հեռ.՝ (011) 52-93-49:

Կատարող՝ Ա. Սպենդիարյանի անվան օպերայի և բալետի ազգային ակադեմիական թատրոն» պետական ոչ առևտրային կազմակերպություն, գրանցման հասցեն՝ Երևան, Թումանյան 54, ՀՎՀՀ 02510673, Հայաստանի Հանրապետության ֆինանսների նախարարության գործառնական վարչություն, թիվ 900018001306 հաշվեհամար, հեռ.՝ /010/ 52-33-82, /010/52-02-41:

Պատվիրատու՝  
Նախարարության  
գլխավոր քարտուղար՝

  
Վ. ՍՊԵՆԿԻՐԱՆ  
Կ.Տ.



Կատարող՝  
«Ա. Սպենդիարյանի անվան օպերայի  
և բալետի ազգային ակադեմիական  
թատրոն» ՊՈԱԿ-ի տնօրեն

  
Գ. ԳԻՅԱՐՅԱՆ

